

Practica conc. igl adiever dallas marcas e digls satgs da rusment digl cumegn da Surses

A parteir digl 1. da schaner 2019 è an vigour la nova lescha davart l'economia da rusment digl cumegn da Surses. Chegl è scu consequenza tgi igl adiever dallas marcas da rusment e digls satgs da rusment digls anteriours cumegns è da prancepi betg ple lubia. Per neir ancunter alla populaziun ed agls possessours da sagondas abitaziuns è la suprastanza fixo da nov la suandonta practica per ena fasa da transiziun:

- Marcas da rusment: chellas vignan siva digl 01-01-2019 betg ple vandeidas e na pon a parteir d'immediat betg ple neir duvradas. Persungas tgi on anc an provisiun talas marcas las pon returnar an canzleia communal anfignen igls 31-12-2019 cunter restituziun dalla taxa effectiva paeda da sies taimp. (A parteir digl 01-01-2020 n'exista nign dretg a restiziun ple). Igl dismetter satgs cun marcas da rusment vign punia a parteir dad ossa tenor art. 36 dalla lescha davart l'economia da rusment digl cumegn da Surses.
- Satgs da rusment digl anteriour cumegn da Savognin: chels pon anc neir duvros anfignen igls 31-12-2020 (la taxa è identica a chella digls novs satgs uffizials digl cumegn da Surses) u neir returns anfignen alloura agl spurtegl dalla canzeia communal. La taxa effectiva paeda vign restitueida. A parteir digl 01-01-2021 na dastgan chels satgs da rusment betg ple neir duvros ed els na vignan er betg ple piglias anavos dalla canzleia.

Igls satgs da rusment uffizials digl cumegn da Surses (calour blava) èn per part gio an circulaziun. Buteias tgi on anc satgs da rusment digl anteriour cumegn da Savognin pon vender chels anc anfignen la fegn da chest onn. Siva vignan angal anc vandias igls satgs da rusment uffizials digl cumegn da Surses.

Nous supplitgagn da piglier cunaschientscha da chella practica. Per dumondas an connex cun la pussebladad da dar anavos las marcas ed igls satgs da rusment digls anteriours cumegns resp. cun igl adiever da tals stattan a disposiziun igls collaboratours dalla canzleia communal (telefon centrala: 081 659 11 60 u e-mail: info@surses.ch).

Tinizong, igls 11-07-2019

Suprastanza communal Surses